



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vitae Sanctorvm**

**Lippeloo, Zacharias**

**Coloniae Agrippinæ, 1604**

Vita S. Ephraem Syri Ex Caesaris Baronij 3. & 4. Tomis Annalium  
Ecclesiast. Obijt diem extremum, Anno Restauratæ Salutis 378. Damasi  
Papæ 12. Valentis Imperatoris 15. post mensis vnus spatium à S. ...

**urn:nbn:de:hbz:466:1-42667**

VITA S. EPHRAEM SYRI EX CAESARIS BARONIJ 3. & 4. Tomis Annalium Ecclesiast.

Obijt diem extremum, Anno Restauratae Salutis 373. Damasi Papae 12. Valentis Imperatoris 15. post mensis unius spatium à S. Basilij migratione.

**B** Ephraem Nisibi ciuitate Syriae oriundus, parentes Christianos, ingenita naturae praestantia, morum probitate, ac tenera vitae sanctimonia, plurimum exhilarauit. Nam admodum adhuc puerulus, miro naturae instinctu ad omnem virtutis exercitationem propendens, primo Iacobo Nisibitae antistiti adhaesit: à quo minime vulgare hausit scripturarum cognitionem; discendi studio ita deditus, ut nulla voluptate ab eius amore auelli posset. Nec defuit ieiuniorum ac vigiliarum patientia, qua roboratus mente in coelis perpetuo versabatur. Et quidem solitudinis amicus, in desertis plerumque locis de secundo Christi aduentu philosophabatur: pane lachrymarum vberim se satiens. Vrbes & oppida illi carceres erant, quae non nisi necessitate coactus ingrediebatur. Die quodam Edessa venienti inimicus per mulierem invidias struxit, quas insita pietate non modo elusit, sed & impudicam à daemone famulatu ad Christi seruitutem peraxit. Prospiciens namque per fenestram satis perularet, Benedic, inquit, abba. Cui Ephraem, Dominus tibi benedicat. Et illa; Ecce tuo cibo deest. Respondit sanctus; Tres lapides, & parum luti, ut haec fenestra obstruatur. At illa libidinoso afflata furore, adulterinae veneris praclusos captabat aditus. Ephraem interim frustra diuinas voces & Dei timorem occinente.

Igitur

1. Februarii.  
Patria eius.

Fir discipulus Iacobi Nisibitae Episcopi.

Degit in locis desertis.

Meretrix illius pudicitiae insidias.



Igitur vir sanctus sævi amoris flamma totâ eam miserè ambustam cernens, ita compellauit; Si nostris amoribus perfrui omnino decreuisti, age fiat in loco à me designando. Auide hoc dictum arripuit meretricula quæ à viro sancto in publicum inuitata vehementer erubuit, asserens eum

*Reuocat meretricem à vita scelerata.*

locum pudoris esse atque ruboris. Tum Ephraem: Itane verò inquit, Tu oculos hominum scelere pollutos erubescis, satisque esse iudicis ad prauos animi motus comprimendos, animumque in officio continendum, & illos omnipotentis Dei totius puritatis oculos; omnia lustrantes, & intimos animi nostri recessus excutientes, non vereberis? Tu vilis homuncionis, breui temporis spatio in fauillam & cinerem redigendi, iudicium formidas, & summum illud incorruptumque æternæ sapientiæ iudicium non perhorresces? Hæc aliaque viri sancti monita ita impuram mulierem perculerunt, vt non modo ab insana carnis libidine ad puritatem rediret, sed etiam integram scelerum omnium confessionem vberimo cum imbri lachrymarum faceret. Quinimo

*Ephraem ex monasterio includit.*

toto corporis habitu in terram prostrata, vitam à viro Dei sibi demonstrari petijt. quam ille, ne denuò ad prauas animi cupiditates oblata peccandi occasione defleceret, saluberrimis instructam monitis monasterio inclusit.

*Benignitas eius in pauperes.*

Hisce alijsque pietatis operibus gnauiter vir sanctus incumbens, nihil post mentis in Deum puritatem prius habuit, quam vt pauperibus benigne faciendi studio succurreret. Itaque ipse pauperum omnium pauperimus egentium inopiam hac ratione liberaliter subleuabat. Dulcissimus naturæ eloquio, diuitum ædes circumibat, nullo negotio, tum sanctimoniz opinione, cum dicendi



dicendi præstantia, distentos eorum oculos in  
 sinus pauperum excutiens. Nullo non tempore,  
 charitatis ac pietatis operibus incumbens, cum  
 ecclesiæ oraculo ad S. Basilium, contra Valen-  
 tem Imp. pro ecclesia strenuè decertantem, con-  
 ueniendum inuitatur. Fortè namque diuinarum  
 rerum contemplationi intento vox cælitus in-  
 uenit; Surge, o Ephræm; & comede cogitationes &  
 sententias. Anxiè verò interroganti, vnde come-  
 deret ait. Ecce in domo mea vas splendidum &  
 magnificentum, quod tibi cibum suppeditabit. Post  
 hæc plenus admirationis templum adiit, conscen-  
 soque sensim vestibulo, vidit in sanctis sancto-  
 rum vas electionis coram armento ouium præ-  
 clare extensum, verbisque maiestate plenis ex-  
 oratum atque distinctum, omniumque oculos  
 in illud defixos. Vidit ecclesiam ab eo spiritu ve-  
 getatam; eiusque in viduas ac orphanos potissi-  
 mam benignitatem. Vidit apud eum fluminis in-  
 star lacrymarum fluentem, & vellus vitæ, cunctis  
 quasi aureos radios diffundens; ipsum autem pa-  
 thorem pennis spiritus sursum pro nobis preces  
 sustollentem, filumque orationis deducentem.  
 Vidit ab ipso ecclesiam ornatum & dilectam ap-  
 titissimè compositam. Prospexit ab ipso doctrinam  
 Pauli manare, legem Euangeliorum & timorem  
 interiorum. Prospexit ibi vtilem ac salutarem  
 sermonem ad ipsum usque cælum fideliter tol-  
 lentem se, vniuersumque illum cæcum splendo-  
 ribus gratiæ renidentem. Peracto autem audito-  
 rio S. Spiritu reuelante, Basilius Ephræm adesse  
 cognouit. Qui benigne accersitum, per interpre-  
 tem interrogauit. essetne Ephræm, qui collum  
 præclare inclinatum iugo salutaris verbi subie-  
 cisset. Respondentem verò se eundem esse, sancto  
 M m imprimis

Visio S. E-  
 phræm quæ  
 ipse de se cõ-  
 scripsit.



imprimis osculo con salutauit, mensamque epulis cælestibus & immortalibus refertam semetipsius instruxit. Volunt nonnulli tunc temporis Basilium eam Ephræm fuisse gratiam imperitum, ut græcè dicta intelligeret pariter & loqueretur; sed quoniam ipse sanctus Ephræm, qui Basilium per interpretem sibi fuisse locutum testatur, nihil de his scribit, libentius ea referre præmittimus. Quin & illud quod Presbyter à S. Basilio ordinatus dicatur, cum veritate pugnat: nam præter alia non fuit Basilij iuris, Syru hominem ordinare.

Resistit hæreticis S. Ephram.  
Apollinarius hæreticus.

Cæterum ut ad præclaras Ephræm actiones redeamus, non erit abs re qua prudentia hæreticorum fraudibus resistit, explicare. Erat eadem illa tempestate Apollinarius quidam pestilenti doctrinæ suæ contagione sana dogmata inficiens, virusq; per varias ecclesias fraudulenter dispergens. Porrò deuexa planè ætate vir, duobus libris sceleratam doctrinam complexus fuerat, quibus in omni disputationis congressu maximè nitentur. Erat autem muliercula quædam eius animo, & voluptatibus, ut ferebatur, deseruiens quæ eodè fortè libros suâ in custodiâ habebat. Quod cû B. Ephræm minimè lateret, ille persona discipuli Apollinarius assumpta, confidenter mulierculam adiit, librorum facultatem ab ea postulâs. Fingebat enim ijs ad hæreticorum opiniones (sic enim orthodoxos appellabant) confutandas sibi imprimis opus esse. Itaque mulier tradidit, ac sanctum Ephræm aduersus impostorè contraria impostura obarmavit. Tunc magnus hic Iacob, propheta Esau, hoc modo supplicatato, sacrilegis illius progenitis feliciter extortis, statuit execrandum hominè ad publicum prouocare certamen, im-



pietatis tenebras clarissima veritatis luce excus-  
 furus. Sed muliercula importunis clamoribus li-  
 bros repetens, illum tunc quidem impediuit suc-  
 cessum: quem tamen alia via modoque vir san-  
 ctus promouit. Librorum namque folia glutine  
 interlinens alterum, ita coniunxit alteri, ut sine  
 praesenti interitu nullatenus diuelli se pateren-  
 tur. Igitur horum omnium inscius Apollinaris,  
 solito animi tumore in certamen prodij libro-  
 rum suorum argumentis confusus. Itaque ipso dis-  
 putationis exordio labilem infirmæ senectutis  
 memoriam causatus, mutos pro defensione pro-  
 tulit magistros; quorum alterum summa, cum gra-  
 uitate apprehendens: hic, inquit, oratorio pro me  
 munere apud vos fungetur. Illo autem pertinaci  
 glutine trunco permanente; alterum arripuit: qui  
 pari ratione hominis insaniam elusit. Quæ res  
 hominem tumore hæreseos inflatum tanta animi  
 ægrotudine & pudore depressit, ut tabe paulatim  
 consumptus, in gloriosius expiraret.

Vide ut vir  
 sanctus tra-  
 ctauerit li-  
 bros hære-  
 ticos.

Obitus A-  
 pollinaris  
 hæretici.

Et hoc quidem modo superbum Goliath pius  
 ac humilis deiecit David, qui tantus sui contem-  
 ptor extitit, ut minimè dubitauerit simulata etiã  
 insaniam honorum dignitatumque cathedras sub-  
 terfugere. Cum enim quidam eum episcopali mu-  
 nere dignissimum rati, comprehendere conaren-  
 tur, ille eiusmodi culmen fugibundus, in forum  
 curritare, atque in composito corporis habitu in-  
 cedendo, vestes lacerare, cibum palam capere, de-  
 nis, manibusque furias simulare. Quo sanè  
 spectaculo tam admirabili confusi prentores, di-  
 lapsi sunt. B. verò Ephræm idoneum tempus fugæ na-  
 ctus, raris per latitauit, dum alter eius loco antistes  
 creatus esset. Utinam Paulinus sancti viri discipu-  
 lus magistri sui vestigijs institisset, ac pia monita  
 ad aures

Simulat in-  
 saniam ne  
 fiat Episco-  
 pus Sozom,  
 lib. 3. ca. 15.

M m \* ad aures



Paulus discipulus S. Ephraem amore dignitatum sit hereticus. Gennad. de viris illust. Cap. 3.

ad aures misisset; utinam desiderijs suis habens iniecisset, fortè magistri gloria haud impari diruisset. Fuit hic Paulinus presbyter, beati Ephraem diaconi discipulus, acris valdè ingenij vir, diuinarumque doctissimus scripturarum Christianæ eloquentiæ præstantia cum primis pollebat plurimum. Hunc beatus Ephraem ex studijs & vulgari sermone noua inuestigare præsentisæ, & in barathrum hereseon tendere aduertens, pijs ac salutaribus monitis instruebat, ut ad amatos iam plus satis honorum & dignitatum scopulos declinaret! & tumentes cogitationes deprimere. At ille more & ingenio omnium hereticorum, primatus amore & nominis inescatus, à Catholica se ipsum præcidit ecclesia, multa ab obitu magistri, in fidei ruinam, inani conatus scriptans.

Porro vir beatus omni virtutum genere clarus, cum iam finem laborum adesse cerneret, per egregiam ad proximè astantes fratres orationem habuit, quæ ea de causa Testamentum Ephraem est appellata, utpotè quod illa diuinam hereditatem sanctis admonitionibus consignatam, suis possidendam reliquit, cum inter cætera de vitandis hæreticis plurima inculcauit, nominans inter alios Vitalianos illos, nimirum qui à Vitale Antiocheno Apollinaristarum Episcopo ita vocati erant. Rursum vero inter alia istius testamenti monita, illud fuit, quod perfectæ humilitatis quam viuès præ cæteris virtutibus excoluit, egregium specimen dedit, dum magna contentatione prohibuit, ne exhiberi solita sanctis viris sumptuosa funera, ex animi suo corpori impenderentur; cum tamen illa postrema, quæ à S. ecclesia pro salute animarum præitari solent, officia nempe preces & sacrificia ea sibi impendi solentur.

S. Ephraem vita fungens, pro te preces offerat ad Deum iubet.



tius Postularit his verbis; Hortor vos vt loco suauis  
aromatatum odoris, vestris me adiuuetis orationibus,  
in vobis continuè mei memoriam facientes.

Hæc ipse, qui tamen respuit cætera, quæ honoris  
essent, defunctorum corporibus, exhiberi solita,  
quod se illis indignum penitus iudicaret, vtpote  
qui se (vt ibi præfatus est) scelestissimum pecca-  
torem existimaret, cum alioqui sanctissimus ef-  
fet. Tale vltimis illis verbis, quorum maior cæte-  
ris in vnoquoque ratio haberi solet, quasi testa-  
mento & fide publica consignatum postremum  
reliquit elogium, non suis tantum Edessenis, sed  
vniuersæ Catholicæ Ecclesiæ Magnus Ephræm.  
Qui (vt inquit sanctus Hieronymus) ad tantam  
venit claritudinem, vt post lectionem scriptura-  
rum publicè in quibusdam ecclesijs eius scripta  
recitentur. Quis igitur sanæ mentis homo non  
auiculandum, tanto viro potius iudicabit (etiam  
si cætera innumera ea de re testimonia minimè  
suffragarentur) quam Nouantibus vnâ cum fide  
patrum traditiones Ecclesiæ conuellentibus?

Profundissi-  
mæ humili-  
tatis indi-  
cium.

De Scripto-  
rib. ecclesi-  
ast. in E-  
phræm.

VITA S. BRIGIDAE VIRGINIS

Scotica, ex ea qua est apud Fratrem Laurenti-  
um Surium. Obijt autem Anno Domini  
521. Hormisila Papa 8. Iustini

Vide Cæf.  
Baron. Ann.  
Tom 7.  
Ecclesiast.

Imp. 4.

FUIT apud Hybernos vir quidam Dupracus  
nomine, genere Laginensis, qui ancillam  
quandam emit Brotsech nomine, spectata  
in primis probitate, & morum integritate ama-  
bile, cuius impudico captus amore, clandestino  
complexu ea abusus est: ita vt paulatim intumes-  
cente vtero, haud dubia spes prolis appareret.

1. Februarij.  
Patria & pa-  
rentes eius.

Mm 3 Quare